



16. januar 2024

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqquteqaatit:

- 1. Royal Arctic Line A/S EU aamma EØS imaatigut angallavigissagaanni EU Emission Trading System (ETS) eqqussiniarluni aaliangersimanera aallaavigalugu, CO2-agguagartassanut atugassanik ukiumut aningaasat qassit missingersuutitut ilannguttarpaat?**
 - a. Aklitsuut taanna atuisunut akigititanut qaffassaataanissaa naatsorsuutigineqarsinnaanerani Naalackersuisut Demokraatinut isumaqataanerlutik?**
- 2. Royal Arctic Line A/S aamma Naalackersuisut CO2-agguagartassiissutitut pisisarneq annikinnerpaaffissaminiinnissaa anguniarlugu CO2-mik aniatitsinermut millisaanissamut (kigaannerusumik angalalernissap avataasigut) suliniutit suut tigussaasut aallarnisarniarpaat?**
- 3. CO2-agguagartassissutituk pisinerup kingunerisaanik, atuisunut kalaaliusunut akiligassaq tunnginnissaa anguniarlugu inuussutissarsiortunut ikiorsiissutaasinnaasunik Naalackersuisut tigussaasunik pilersaaruteqarnerlutik?**
- 4. Naalackersuisut suliamut tunngasunik paasissutissanik allanik paasissutissiinnaappat?**

(Inatsisartunut ilaasortaq Jens-Frederik Nielsen, Demokraatit)

Tunngavilersuut

Isertugaataangilaq atuisut kalaaliusut inuussutissarsiortullu akigitinneqartut qaffakkiartornerini inuuniarneruleqqammata. Akinik qaffaanerit soorlu imeruusaatit puuinut akitsuut aqqutigalugu innuttaasut kaasarfiiniit 85 mio. Koruunit aaneqarsimasut Naalackersuisut imminneq pisuussutigaat.

Kisiannili aamma akigitigut qaffaanerit nunatta avataaniit aamma pipput. EU umarsuarnik angallassissutillit CO2-mik aniatitsinerannut millisaaqataanissaanut kajumissaatitut taallugu aaliangiisimapput. Emission Trading System (ETS) EU aamma EØS aqqutigalugu imaatigut angallannermi eqqunneratigut EU taamaasiorpoq, tamannalu isumaqarpoq, Royal Arctic Line A/S EU aammalu EØS nunaanni imartatigut assartuinermini 2024 aallarnerfigalugu CO2-mik aniatitsiniarluni CO2-agguagartassiissutituk pisisariaqartalissasoq.

Tamanna Kalaallit Nunaannut avammullu umiarsuaq assartuiniarluni akigititai qaffariaateqassasut isumaqarpoq. Royal Arctic Line A/S december 2023-mi 1. Januar 2024 aallarnerfigalugu akigitinneqartoq 1 procentiussasoq, malitsigisaanillu ataavartumik qaammatikkaartumik nikerartinneqassasoq nalunaarutigaa.



DEMOKRAATIT
DEMOKRATERNE

Akitsuut nutaaq taanna nunatta innuttaasuinut akitigut qaffaanitsigut malitseqassajunnarsivoq, innuttaasut atugaannut sulii ajorseriaateqartussaasumik. Tamannalu pineqartillugu Naalakkersuisut sunik eqqarsaatersuuteqarnersut paasissallugu soqutigaa.

Ullut suliffiusut qulit iluanni apeqqutinnut akissutisinissara qilanaara.